



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 413
fax. +387 33 726 4234
e – mail: info@voda.ba

Broj: UP-1/21-3-40-111-3/23
Datum: 16.05.2023.

«Agencija za vodno područje rijeke Save» Sarajevo rješavajući po zahtjevu korisnika JKP "VIK" d.o.o. Gornji Vakuf-Uskoplje za izdavanje vodne dozvole za zahvaćanje vode na izvoru Crno Vrilo u svrhu vodoopskrbe pitkom vodom potrošača na području općine Gornji Vakuf -Uskoplje, na osnovu člana 109. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku JKP "VIK" d.o.o. Gornji Vakuf-Uskoplje, za zahvaćanje vode na izvoru Crno Vrilo u svrhu osiguranja potrebnih količina vode za piće stanovništva i privrede općine Gornji Vakuf -Uskoplje .
2. Zahvatna građevina (kaptaža locirana je katastarskoj čestici k.č. 2590, K.O. Ždrimci, općina Gornji Vakuf-Uskoplje, a kapacitet kaptaže iznosi $Q = 40$ l/s.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uvjete:
 - 3.1 Da se vodozahvatni objekt održava u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama i Pravilnikom o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH" broj: 97/19).
 - 3.2. Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Mjerenje količina zahvaćene vode osigura atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH" br. 83/08).
 - 3.3 Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće sukladno sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17), te osigurati tehničku ispravnost ugrađene opreme (crpke, vodomjeri, zatvarači, klorinator itd.).
 - 3.4 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.
 - 3.5 Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.

- 3.6 Da se vrši stalna dezinfekcija vode kloriranjem kao i kontrola rezidualnog klora u pitkoj vodi u gradskoj – distributivnoj mreži.
- 3.7 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.
- 3.8 Korisnik je dužan vršiti redovitu kontrolu uskladištenih kemikalija i osigurati takve uvjete koji će spriječiti zagađenje površinskih i podzemnih voda uskladištenim materijama, odnosno, osigurati moguće isticanje hlora iz objekata i iz posuda, odgovarajućim tankvanama. Također je dužan osigurati adekvatan apsorber za prikupljanje kemikalija u slučaju incidentnog izlivanja.
- 3.9 U cilju utvrđivanja zone sanitarne zaštite i provođenja mjera zaštite izvorišta «Crno Vrilo», korisnik Vodne dozvole mora poduzeti sve neophodne aktivnosti u cilju provedbe Pravilnika o utvrđivanju uvjeta za određivanje zona sanitarne zaštite i zaštitnih mjera za izvorišta vode za javno vodoopskrbu («Službene novine Federacije BiH», broj 88/12), te se pridržavati svih odredaba spomenutog Pravilnika, donesenog od strane Federalnog ministarstva poljoprivrede, vodoprivrede i šumarstva.
- 3.10 Za vrijeme trajanja ovog rješenja za izgrađene objekte ishoditi upotrebnu dozvolu od nadležne institucije za sve objekte koje su u sustavu predmetnog vodosustava.
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16)..
 - 5.1 Vlasnik će plaćanje vodne naknade za iskorištavanje vode vršiti na osnovu utvrđene količine vode koju zahvata. Podatke o zahvaćenim količinama vode korisnik je dužan dostavljati u formi mjesečnog izvještaja na obrascu „ZV“ «Agenciji za vodno područje rijeke Save» Sarajevo.
 - 5.2 Posebnu vodnu naknadu za korištenje površinskih i podzemnih voda korisnik će plaćati na osnovicu koju čini količina zahvaćene vode, o čemu je obavezan dostavljati mjesečni izvještaj ovoj Agenciji. Odluka o visini posebnih vodnih naknada („Sl. novine FBiH“ 46/07, 10/14 i 03/16) svojim članom II točka 1 definiše visinu ove vrste naknada.
6. Izgrađeni objekt se može koristiti samo u skladu sa njegovom namjenom prema projektnoj dokumentaciji i pribavljenim suglasnostima.
7. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom..
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
10. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.

11. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.

Obrazloženje

Svojim zahtjevom Javno poduzeće JKP "VIK" d.o.o. Gornji Vakuf-Uskoplje, podnio je ovoj Agenciji zahtjev za izdavanje Vodne dozvole za zahvaćanje vode na izvoru «Crno Vrilo» u cilju vodoopskrbe pitkom vodom potrošača na području općine Gornji Vakuf -Uskoplje.

Uz zahtjev dostavljena je sljedeća dokumentacija:

- Ovjerena kopija Rešenja o registraciji, broj: 051-0-Reg-17-000263 od 12.06.2017., izdano od Općinskog suda u Travniku.
- Ovjerena kopija Uvjerenje o poreznoj registraciji od 14.06.2017. izdano od Porezne uprave Novi Travnik.
- Projekat zaštite izvorišta vode za piće Crno Vrilo, izrađen od ES HYDROTECHNICS d.o.o. Sarajevo iz 3/2009.
- Odluku o ustupanju izgrađenog vodovodnog sustava u općini Gornji Vakuf-Uskoplje na trajno korištenje, upravljanje i održavanje JKP "VIK" d.o.o. br. 01-23-147/07 od 02.05.2007.god.
- Odobrenje za građenje spremnika za vodu kapaciteta $2 \times 1000 \text{ m}^3$, br. 03/9-361-864 od 23.01.1985.god., izdano od Općinskog sekretarijata za privredu, financije i društvene službe, općine Gornji Vakuf.
- Vodoprivredna suglasnost na kaptiranje izvorišta Crno Vrilo br. Up-I-06-337-321/80 od 14.01.1981. izdana Republičkog komiteta za poljoprivredu, šumarstvo i vodoprivredu Sarajevo.
- Odluka o zonama sanitarne zaštite izvorišta pitke vode „CRNO VRILO“ (Sl.glasnik Općine Gornji Vakuf-Uskoplje br.01-23-108/09 od 04.05.2009.,).
- Odluku OV G.Vakuf-Uskoplje o zaštiti izvorišta vode za piće „CRNO VRILO“, BR.01-23-108/09 od 04.05.2009.god.,.
- Kontrolu ispravnosti vode za piće br.494 od 20.10.2022.god., urađen od Zavoda za javno zdravstvo Hercegbosanske županije, Livno
- Pravilnik o održavanju, korištenju i osmatranju vodovodnog sistema Gornji Vakuf-Uskoplje br 92/10 od 27.08.2010.god.,.
- Dokaz o uplaćenju upravnoj taksi i Zaključku o posebnim troškovima .

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak vodozahvata na izvoru Crno Vrilo i tom prilikom je sačinjen zapisnik o uviđaju broj: UP-1/21-3-40-111-2/23 od 15.05.2023., u kojem je konstatirano sljedeće:

Na izvoru Crno Vrilo zahvaćeno je 40 l/s , vodozahvat je izveden kaptiranjem samog izvorišta, kaptaža je kapaciteta $12,5 \text{ m}^3$ odakle se voda, gravitaciono transportira do vodospremnika Zvezda, $2 \times 1000 \text{ m}^3$.

Zona sanitarne zaštite je izvedena žičanom ogradom kojom su obuhvaćeni svi vodovodni objekti. Povremeno se kontroliraju ostale zone zaštite izvorišta.

Zahvaćeno je 40 l/s a ostala količina vode, ovisno o izdašnosti, otječe prirodnim koritom.

Izveštaj o mikrobiološkoj analizi vode i Izveštaj o kemijsko-fizičkoj analizi izrađen od Zavoda za javno zdravstvo Hercegbosanske županije .

Za izvorište Crno Vrilo donesena je Odluka o zonama sanitarne zaštite izvorišta pitke vode „CRNO VRILO“ (Sl.glasnik Općine Gornji Vakuf-Uskoplje br.01-23-108/09 od 04.05.2009.,).

Projekat zaštite izvorišta vode za piće Crno Vrilo, izrađen je od ES HYDROTECHNICS d.o.o. Sarajevo iz 3/2009.

Točkom 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „JKP „ViK“ d.o.o. Gornji Vakuf-Uskoplje, u točki 3. dispozitiva rješenja, propisani uvjeti korištenja objekata. Ispunio minimum uvjeta za izdavanje vodne dozvole za zahvaćanje vode na izvoru «Crno Vrilo» » u cilju vodoopskrbe pitkom vodom potrošača na području općine Gornji Vakuf-Uskoplje. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uslovima i načinu izdavanja i čuvanja vodnih akata.

Konstatira se da je podnosilac zahtjeva, „JKP „ViK“ d.o.o. Gornji Vakuf-Uskoplje, ispunio minimum uvjeta za izdavanje vodne dozvole za zahvat vode sa vodozahvata na „Oparac“ kapaciteta 40l/sec a u svrhu snabdijevanja pitkom vodom potrošača na području općine Gornji Vakuf-Uskoplje te je riješeno kao u dispozitivu ovog Rješenja.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata
Alisehović Haris
Alisehović Haris, dipl.inž.grad.

Dostaviti:

- JKP VIK d.o.o. Gornji Vakuf-Uskoplje, Mehmed bega Stočanina bb
- AVP-ISV-Vodna knjiga
- Sektor 50
- Sektor 40, arhiva
- Oglasna ploča AVP SAVA